

鼎鑊幼幼集成卷之六

金谿周光霽頤堂氏 重校

廬陵劉 勳霖孟氏 校正

羅浮陳復正飛霞氏 刪潤

遂陽周宗頤虛中氏 參定

萬氏痘麻

一成實證治歌 規二十一首

起發之時漸作膿 毒隨膿化語無凶 或成空殼兼清水 毒氣留連慮晚攻

凡痘瘡自起發之後血化為水水化為膿至此膿已成毒已化矣飲食如常不亦吉乎若當起發殼中出清水此氣至而血不隨也治之當益其榮宜四物化毒湯

或內含清水平塌不起此血至而氣不隨也當益其胃宜保元化毒湯 或案囊浮腫中含清水如水泡之狀此氣血俱虛不能制毒反為毒逼漸變癰塌治之當託其毒固其榮衛使無癰塌以十全化毒湯主之亦有飲食如常六腑充實若見空殼清水之證雖能收斂未免發為癰毒不可不早治之

膿成毒化笑顏開 猶慮形生變證來 莫謂清安無個事 風雲不測霎時災

痘瘡至成膿疱此收功之時手足當要和緩過熱過寒者變也人事常要安靜煩躁悶亂者變也六腑常要充實忽吐瀉者變也聲音常要响亮忽啞者變也飲食要漸進忽不食反作渴者變也色要倉暗形要飽滿忽灰白平塌者變也瘡要安和忽癢者變也或觸風寒或犯禁忌或傷食或誤服湯丸醫者當詳察其所因而治之

四肢溫暖始相宜 寒熱非常勢漸離 補瀉無偏能謹慎 折肱端的信良醫

凡痘瘡手足常要和緩不宜太熱太寒寒食太甚則水火偏勝而殘矣假如病人六腑閉結狂妄煩躁口乾作渴其脈洪數沉緊者實也手足熱本病也若手足冷陽極似陰謂之陽厥下之勿疑宜承氣化毒湯

若曾經吐瀉其脈沉細微弱者虛也手足冷本病也若手足熱乃陰極似陽謂之陰躁宜補之回陽化毒湯溫之

養漿安靜吉堪誇 戰惕鳴牙禍必加 痛養躁煩雙足冷 縱教仙手枉喧嘩

凡痘瘡已成漿或寒戰或咬牙單見一證者可治蓋寒戰因瘡出太甚表虛而振振搖動者有之宜養衛化毒方

若咬牙者必肝火甚其牙相戛而鳴也宜清神化毒湯涼解之若寒戰咬牙並作者此陽脫神喪不可治矣若因瘡痛由膿血稠急而脹痛者宜導神化毒湯 若吐利而手足冷者宜回陽化毒湯方見更兼寒戰咬牙悶亂煩躁瘡塌者不治

有膿有血毒歸瘡 端的其人正氣強 莫遇中虛生吐瀉 功虧一簣費猜詳

凡痘瘡成漿之時不宜吐瀉如吐而無物惡證也因衝任之火上冲於胃直犯清道而逆出之為不治若吐而有物者用養胃化毒湯和之 凡泄瀉視其所出之物何如若色黃而臭小便便黃赤熱也宜香連化毒湯若瀉出之物清冷不臭小便便清長舌上無苔寒也宜理中化毒湯 如瀉久不止不論冷熱皆宜止之通用理中化毒湯吞豆蔻丸方見前

若吐瀉不止手足厥冷此脾胃之氣將絕急宜附子化毒湯

其有無時瀉泄手足和暖飲食如常雖治之不止亦可言無事

身外諸瘡膿血成 咽喉自此貴寧清 反加瘡水聲音啞 咽爛喉穿鬼伴行

凡痘瘡初出失於調解以致毒火熏蒸喉舌生瘡又失於解毒其瘡稠密然外瘡未熟至於養水之時則先熟者又先瘳矣所以咽喉宜漸和平聲音清亮飲食不難此吉兆也若當此時飲水則噎食穀則噎甚者失聲此內瘡糜爛舌上成坑咽門腐爛師管壅塞以致呼吸皆廢飲食卒絕而死矣亦有先本無瘡因誤食辛熱之物或誤投辛熱之藥其後旋生是證者可急用甘桔化毒湯服藥後病退者吉不退

者山 或咽門無瘡而暴瘡者此少陰之血不榮於舌也宜養心化毒湯

若有聲而不潰此火毒乘於肺也宜瀉 化毒

中病即止治

陷起平六腳潤經 窠囊飽滿蟾蜍充 自然氣色咸如式 略見差池便不同

凡痘養漿之時若平日中陷者盡起頂平者盡出根腳紅活窠囊飽滿其色蒼蠟氣如蒸痘自然安吉蓋友白雖為膿之正色亦由氣之不足宜大補化毒湯若因泄瀉而友白者宜固本化毒湯 若其氣腥臭此有濕熱宜解其標用解肌化毒湯外以益元散薄敷瘡上勿令至於潰爛也

正值成漿忽搔搔 用心調護莫辭勞 不分乾濕皆凶候 能食神清福自高

凡痘至成漿切防搔癢抓破以洩其氣俗云抓破出血者吉不出血者凶殊不知起發之時其瘡未熟而內是血抓破宜出若養漿之時其瘡已熟而內是膿抓破有血無血何足以定吉凶大抵不宜作癢如作癢而人清爽自知其誤抓破或言其癢欲人拊之者若癢而悶亂煩躁語之不聽禁之不止搖頭扭頸手足舞亂者凶也如其人清爽搔癢不住者當視其形骸虛實未曾吐瀉者宜四聖化毒湯如元氣素弱而有吐瀉宜參歸化毒湯 又要看其抓破處復灌成瘡則吉破而不灌皮肉焦黑者不可治也

正面將膿早破傷 依然腫灌復成瘡 若嗟敗面留殘喘 腫若消時愈斷腸

凡視痘症以正面為主蓋五臟精華皆聚於面如他處瘡痘破損正面完全可言無事若正面成片破損別處雖完全亦何益哉若破處復得腫灌成瘡膿血淋漓却又無事面雖敗穿鼻破唇但留殘喘耳豈不愈於死耶若破處不灌不腫或腫而又消煩躁悶亂此毒氣倒陷決不可治矣

眉心鼻準耳輪邊 唇口諸瘡貴活鮮 但有焦枯兼黑靨 慢求醫卜命難全

凡痘欲成膿之時眉心鼻準耳輪兩頰若先有焦枯黑靨此名倒陷醫之不能禱之無效凶矣哉

正待行漿漿灌灌 惟愁乾塌成空殼 倒陷由來證本乖 勞君着意無偏駭

凡痘自出現而起發。自起發而養漿之時。便要成漿。如當養而反不成漿。依舊平塌。與本起發相似。或至起發內有空虛。乾枯無水者。名倒伏。謂之倒者。膿根在裡也。謂之伏者。伏毒而不出也。謂之陷者。毒出而復入也。此等之時。人事清爽。飲食如常。當別而治之。小便大便秘結。壯熱煩渴。宜下承氣化斑湯。見前。若人事昏悶。寒戰咬牙。足冷腹脹。喘促者死。

額上渾如沸水澆。溶溶破爛。氣殘涸。漸延兩頰。多虧損。泄盡元陽。魂魄離。凡痘瘡起發。養漿額上似沸湯所澆之象。皮溶易破。不成顆粒。大片損爛。此因失下之過。毒大熏蒸。漸延兩頰。破損出水而乾。似腐非腐。則陽脫陰留。徒增煩悶。呻吟而死矣。

瘡頭有孔出膿腥。結聚成堆。雉屎形。此個未聞人救得。徒教醫禱恐無靈。

凡痘最要皮囊堅厚。包裹完全。若瘡頭有孔。膿水淋漓。漏出堆聚乾結。其色灰白。如天泡瘡及癩瘡之形。或清水非膿。無事自破。水出乾黑。未有能治者矣。

雖然痘密黏牀久。瘡好皮堅無敗朽。如逢搔破更枯焦。任彼天人應費手。凡痘稠密最難為。臂膊腰脅之間。其處久着牀席。展轉挨磨。若非堅厚。鮮有不破者。但破須要腫灌。若焦乾黑。如火燒湯沸之狀。必死。又見其人手足破爛。成片而不灌者亦死。

略見漿濃起發時。休教人物往來馳。邪風穢氣相浸觸。變亂無常悔却遲。

凡痘瘡起發之後。漸漸養漿。即當謹飭房戶。禁止人物。內者休出。外者休入。謹防穢厭觸犯。其痘輕者作痛作癢。變而為重。重者瘡塌抓破。煩悶而死矣。故房戶內外。常須燒蒼朮大黃。以避不正之氣。但二味氣味惡劣。不可使痘兒聞之。更不可焚燒諸香。蓋香能助火。透入關節。所以禁之。其諸穢厭房事。最毒酒次之。五辛又次之。死屍之氣。甚於熏穢。狐狸之氣。甚於犬羊。烈風暴雨。亦能為害。飲食之偏寒偏熱者。勿恣於口。天氣太熱。則薄其衣衾。常令涼爽。太寒則溫其蓋覆。常令溫暖。皆調理切要之法。不可不知。凡用僧道灑水滌穢。與醫家用藥。必用老成之人。既能清心寡慾。而且經驗復多。自能司人之命。凡

被房事生產月經所厭以大棗燒烟解之。被酒所厭以茵陳茵陳燒烟解之。五辛所厭以生薑烟解之。被死屍疫癘厭以蒼朮大黃燒烟解之。狐狸犬羊癘燒楓樹毳烟解之。凡遇風雨須燒楓樹毳以避濕氣。

膿血淋漓心臟虛。含空神亂若邪居。睡中妄語難甦省。養血安神病自除。

凡痘稠密成漿之時。或昏昏而睡。呼之不醒。口中喃喃妄語。如被邪祟之狀。時人不知。多生驚怪。殊不知此由膿血出多。心臟空虛。神無所依。而便當養血安神。病當自退。宜靈神化毒湯。與安神丸相兼服之。

瘡成腹痛果何因。便秘腸中火灼金。又恐誤傷生冷食。消詳補瀉責情真。

痘出之初腹痛。乃為毒氣瘡成。無膿而腹痛。未可以為毒也。燥屎在裏而痛。宜大黃化毒湯微利之。不可拘於首尾不可之說。坐以待變也。若因誤傷生冷。或飲冷而痛。宜溫中化毒煖湯之效。

瘡毒無邪證通中。忽然腹脹氣龐鴻。此因食飲多生變。消導天然不用攻。

凡痘順正。表裏無邪。膿血已成。可無苦矣。忽然腹痛氣喘。色變而煩悶者。必傷食得之也。何以知之。以其療正故也。宜消導之用助脾化毒湯。

膿成盡說毒將升。誰料其間未足憑。飽滿堅牢誠可愛。塌平淫濕最堪憎。

世俗之見。但知瘡痘已過一七。發起作膿。便言無事。不知膿成之時。尚未可憑信。若邪邪堅厚。膿漿飽滿。言其無事信矣。若平塌不飽滿。淫濕不堅厚。莫言無事。至於十二三日之後。尚有變異。延綿日久而死。者矣。

險逆諸瘡且勿云。聊將順證語諸君。緣何業已成漿日。尚有凶危不可堪。

凡痘分三等。有順有險有逆。順者不須治。險者治之吉。逆者無可治。今除險逆不必論。然順者亦有成漿之日。反變為險逆者。此何故也。蓋有失調理。觸犯禁忌。誤服湯丸。恃其輕少而不調護。故令輕者變重。

此人事之變也。又有只出一二粒而殞命者。屬氣使然也。豈人能逆料者哉。

入方

四物化毒湯 治痘已起發氣至而血不至。穀中出清水。全當歸 正川芎 懷生地 白芍藥 大

麥冬 牛蒡子 淮木通 生甘草 煅上薄桂 煅心為引。水煎熟服。

保元化毒湯 治痘血至而氣不至。內涵水色。采人不起。官揀桂 炙黃耆 全當歸 正川芎 荆

芥穗 上薄桂 牛蒡子 北防風 赤芍藥 炙甘草 粳米一撮為引。水煎服。

十全化毒湯 治血氣俱虛。窠雲子腫。中涵清水如水泡。官揀參 漂白朮 白雲苓 炙甘草 正

川芎 當歸身 白芍藥 懷熟地 炙黃耆 上薄桂 牛蒡子 粉乾葛 生薑大棗為引。水煎

溫服

承氣化毒湯 治痘陽極似陰。手足厥冷。小枳實 紫厚樸 川大黃 煅赤檳榔 生甘草 生薑三

片為引。水煎滾熟服。

回陽化毒湯 治痘陰極發燥。手足大熱。官揀參 青化桂 漂白朮 白雲苓 川附片 炙甘草

大棗為引。水煎溫服。

養衛化毒湯 治痘出太甚。表虛而振戰。官揀參 炙黃耆 柳桂枝 當歸身 炙甘草 生薑三

片。大棗三枚。并水煎服。

清神化毒湯 治肝火太旺而咬牙。綠升麻 懷生地 杭麥冬 淮木通 北防風 炙甘草 燈

心十莖為引。水煎服。

導神化毒湯 治痘瘡太甚。膿血稠急。而有以致咬牙。淮木通 杭麥冬 黑梔仁 炙甘草 炒桑

仁 鏡辰砂 硃燈心十莖為引。水煎熱服。

養胃化毒湯 治成漿時吐瀉。而有初胃虛也。漂白朮 廣陳皮 白雲苓 西砂仁 薑炮蓮生

薑一片為引。水煎服。

香連化毒湯

治泄瀉色黃而臭熱也。

南木香

炒黃連

結猪苓

漂白芍

炙甘草

燈心十莖

為引。水煎服。

理中化毒湯

治泄瀉所出之物清冷不臭寒也。

官揀參

炙甘草

漂白朮

白雲苓

黑炮薑

大棗三枚為引。水煎服。

附子化毒湯

治吐瀉不止。手足厥冷。脾胃將絕也。

熟川附

官揀參

漂白朮

炙黃耆

炮薑炭

炙甘草

炒米一撮。大棗三枚為引。水煎溫冷服。

甘桔化毒湯

治誤食辛熱之物。或誤服熱藥。以致咽喉破爛。

大粉草

茅桔梗

鮮射干

淨連翹

牛蒡子

水煎入竹瀝和服。

溫中化毒湯

治誤傷生冷。冷水而腹痛。

官揀參

公丁香

南木香

漂白朮

青桂心

炒白芍

西砂仁

小枳實

廣陳皮

炮薑炭

大棗生薑引水煎服。

助脾化毒湯

治飲食過傷。脾氣所以腹脹而喘。

廣陳皮

法半夏

川厚樸

陳只壳

家蘇

子。蘿蔔子

六檳榔

生薑為引。水煎服。

養心化毒湯

治咽中無瘡而暴瘡。

大當歸

懷生地

大麥冬

綠升麻

天花粉

川黃蘗

漂

白朮

荊芥穗

生薑二片引。水煎服。

益元散

白滑石

細水煎

粉甘草

五共研細為末

水調數瘡焦痛。胭脂浸汁調敷。

四聖化毒湯

成漿之時。忽然搖擻。無吐瀉者。

淮木通

當歸尾

赤芍藥

北防風

柳桂枝

淨

水煎服。

疾歸化毒湯

治元氣素弱。又兼吐瀉而作瘡。

官揀參

大當歸

炙黃耆

赤芍藥

桂枝稍

漂

白朮

炙甘草

水煎服。

以上二證。但用熏洗法。熏洗一方。俱見前。

靈神化毒湯 治成漿後膿血去多心虛神無所主口中謔語 官揀參 當歸身 懷生地 大麥冬
淮木通 石菖蒲 赤芍藥 黑梔仁 燈心引水煎服

安神丸 治證如前 炒川連錢 當歸身 一錢 白茯苓 錢五 甘草 五 連志肉 錢 石菖蒲 錢 炒棗仁 五
共為末猪心血搗勻為丸如芡實共辰砂為丸每服二三丸燈心湯送下

大黃化毒湯 治漿成大便秘結而腹痛內有燥糞 綠升麻 當歸身 懷生地 火麻仁 光桃仁
鮮紅花 陳枳殼 錦大黃 共領柳 生薑為引水煎空心熱服

一收靨證治歌共一十五首

收靨難拘日數文 但憑稀密實虛分 緩收循序多堅穩 太急須防餘毒熏

痘瘡收靨不可以日數拘也大抵痘稀元氣實者易出易靨痘密元氣虛者難出難靨只要循序緩收倘
收太急乃毒煎前血氣枯焦非正收也必發癰毒怪症甚則畏軀微則殘形矣

人中上下別陰陽 收靨先於此處良 若是足顙先靨黑 多凶少吉早提防

人中者督任二肝交會之衝痘疹先從此處出壯收靨為陰陽和暢若於額顙手足心先靨乃邪氣攻心
收靨從來貴正齊 臭腥煩爛便疏蹊 其間順逆宜詳審 慎勿逡巡當局迷

痘瘡收靨貴於整齊乾如螺靨者上也頂破膿出結如堆屎者次也破爛無痂者下也凡遇此等收靨便
須細察曾犯何逆如血氣本實誤投補藥以邪得補反損正氣如火燦爛宜天水散解之則邪火退而後
靨齊矣如初飲冷水浸淫脾胃以致收靨不齊以除濕湯洗之則內炎真濕外燥其表令好收靨

頭面潰爛其氣腥臭及過身手足和皮脫去 宜分順逆果膿成毒化飲食如常更無他苦者順也膿水
未成是名倒靨未可量 痘到收時張自乾 封藏收服穀圍固 莫教腐爛和皮脫 此個還將倒陷

看 痘瘡成膿之後結為靨此毒從外解若不能結痂反成腐爛和皮脫去此倒陷毒氣入內也
但逢倒陷毒深潛 復腫翻生始不嫌 頭面腫消空未補 剝膚災近易前占

凡痘倒勝心。中氣不足。急用溫中托裏湯服之。服藥後破者。復加腫灌。無痘處又復出一層。謂之補空俗云翻生痘是也。此正氣不留。邪氣不虧。雖過期延日。不為害也。如頭面不腫。空處不補。即易所謂剝以膚切近灾矣。安可為哉。

靨時自利。忽然侵順。逆中間仔細。膿血痂皮為順候。不外水穀定歸陰。

收靨之時。忽然瀉痢。若膿血痂皮之物。此脾強腎弱為順候。利盡自愈。不可強治。若不分水穀。此腎強脾弱為逆候。用炒米湯送荳蔻丸。痢止則吉。不止則凶。方見前

過期不靨。事踈蹊。臭爛。渾身靨不齊。黏席黏衣何所治。白龍敗草指摩迷。

凡痘成膿之後。過期不靨。渾身潰爛。以致黏席黏衣。用白龍散敗草散。襯貼鋪床最佳。

收靨過延。須急治。勞君察證。毋拘執。縱意違師。徒自傷。臨危施濟。終難及。

凡痘邊靨不靨。須要詳細。不可忽略。如冬寒之時。蓋覆少薄。被寒風鬱遏。不能靨者。宜桂枝解毒湯疏解之。若如夏月。衣被太厚。熱氣熏蒸。不能靨者。宜去其衣被。少令清涼。用甘露解毒湯清之。倘一向大便秘結。裏熱太甚。不能靨者。宜當歸湯微利之。膽導法尤妙。

如泄瀉氣虛。不能靨者。此只收靨不齊。俗呼坐漿乾也。不須妄治。如元氣素弱。以致難靨。宜參歸化毒湯解。

膿水將乾結靨時。休教愚昧失支持。不知禁忌多翻變。却似為山一簣危。

世俗於痘收靨之時。即殺雞食之。或薑椒之類。謂其和暖。殊不知難屬。能動風。卒能助火。脾胃強者無害。弱者反動火邪。以致發癰傷胃。口舌生瘡。則至壞病者有之矣。又或宜溫而過熱。宜涼而過寒。皆為犯禁。亦能生變。切宜慎之。

一向渾身涼。且和。靨時忽熱。事如何。微微發熱。乾膿水。太甚焦枯。病轉多。

痘瘡始終要有微熱。不可盡去。若收靨之時。反大熱作渴煩躁。此毒在內。更防陷伏。急用生津涼血葛根

湯以清之。

破瘡復灌依然爛。及至收成功愈慢。淋漓膿血苦難當。太補湯凡君莫憚。

凡痘瘡犯着皮嫩易破。本不治之證。倘破損之後。重復腫灌。此正氣尚強。毒不能入而發於外。亦當依期收靨。設不能靨。乃正氣被邪氣剝削。雖能逐邪出外。不能逼邪成痂也。急宜大補湯溫之。不可因循。反生災變。

數個頑瘡不肯收。犯時鮮血却長流。如逢此證休輕易。破膜傷筋命必休。

痘瘡破損。灌腫作痛。不能乾水。一名疳蝕瘡。一名陽瘡。犯者即出血不止。乃難治之證。內服大補湯。前見外以綿繭散敷之。若逡巡不治。以致灌傷筋骨。穿膜空破。天人生命者多矣。

灌瘡滿面血膿多。敗面傷睛奈若何。却在良醫施妙手。調和中外起沉疴。

如面瘡破爛。反復腫灌。膿血侵淫。却防壞眼殘形。宜升麻解毒湯治之。

痘疾調破將多般。出血成坑水更乾。搔癢焦疼微小事。傷筋潰肉使形殘。

其痘瘡抓破之證。非一。有破而出血者。陽瘡也。宜當歸涼血散解之。有破而無水使乾枯者。此陷伏也。

要瘡復灌。肉復腫者為佳。內服托裏回生散。有破而成坑者。此內陷也。內服托裏回生散。外用白龍

散敷之。方見後若不詳審。以上三證治之。微則殘形。甚則傷命。

收靨依期更看痂。成時戰栗或言邪。三元正氣將回復。雖是無醫不必嗟。

凡痘欲收靨之時。痂皮圓靜。但時慄。語言妄談。此為正氣將復。不能自持。不必憂疑。須臾自定。

入方

天水散 治痘候投補藥。反饋正氣而不收靨。白滑石水飛粉甘草細末共研勻。蜜水調。以鵝毛蘸藥

拂拭焉上

除濕湯 治脾胃受濕。收靨不齊。川羌活 漂蒼朮 北防風 淮木通 結猪苓 宜澤瀉 漂白

朮 赤芍藥 上薄桂 各等分煎服

溫中托裏湯 治痘瘡尚未收靨忽然倒陷中氣虛也 官揀參 炙黃耆 炙甘草 牛蒡子 當歸

身 淨連翹 上薄桂 杭青皮 南木香 各等分棗三枚為引水煎服

白龍散 治痘瘡渾身破爛不能懷抱者 用乾牛糞燒灰取中間白者研末篩過敷爛處

敗草散 用茅屋上爛茅燒灰研細篩過鋪於席上任其展轉此草多於受霜露功能解毒故也

桂枝解毒湯 治痘為風寒鬱遏不能收靨 上薄桂 赤芍藥 牛蒡子 北防風 淨蟬脫 生薑

大棗引水煎服

甘露解毒湯 治夏月天令炎熱暑氣熏蒸不能收靨 結猪苓 宜澤瀉 大麥冬 淮木通 小條

苓 地骨皮 上薄桂 淨連翹 炙甘草 水煎熱服

當歸解毒湯 治裏熱太甚大便秘結不能收靨 懷生地 大當歸 大麻仁 陳枳殼 淨連翹

酒大黃 紫草茸 淨水煎空心滾熱服

膽導法 治大便結燥血不潤腸以此通之不損元氣 用大猪膽一個以小竹管插入膽內以綫扎定

吹氣令滿另以綫打活結收住其氣以竹管挿入穀道內解去活結捏其膽令膽汁射入腸中直待氣

逸然後去膽便即通矣

參歸化毒湯 治氣虛泄瀉不能收靨及元氣素弱收靨不齊 官揀參 炙黃耆 當歸身 牛蒡子

炙甘草 水煎服 世人不知此等關係視若泛常不早求治待斃而已悲夫

生津涼血葛根湯 治收靨忽然大熱煩渴此裏有毒也 粉乾葛 天花粉 地骨皮 當歸梢 淮

木通 淨連翹 牛蒡子 酒黃苓 北柴胡 淡竹葉 大揀參 炙甘草 各等分水煎熱服

大補湯 治痘破爛復灌元氣傷殘不能收靨 官揀參 炙黃耆 當歸身 淨連翹 上薄桂 牛

蒡子 炙甘草 各等分大棗為引淨水煎服

蠶繭散 治痘瘡破爛水不能干。犯之血出 用出了蠶蛾繭繭不拘多少。以白生礬搥碎。納入繭內炭

火煨之。待礬汁干研末。乾研瘡上即安。

升麻解毒湯 治面瘡破爛復灌膿血不乾 綠升麻 香白芷 酒黃芩 淨連翹 淨蟬蛻 淮木

通 牛蒡子 蜜蒙花 白蒺藜 荆介穗 北防風 大當歸 炙甘草 各等分。燈心為引。水煎熱服。

當歸活血飲 治痘瘡抓破而出血者 當歸尾 鮮紅花 酒黃芩 淨連翹 炙黃耆 官揀參

地骨皮 牛蒡子 生甘草 燈心為引。水煎熱服。

托裏回生散 治痘瘡破而無水。即使乾枯者 炙黃耆 大當歸 淨連翹 上薄桂 牛蒡子 炙

甘草 各等分。淨水煎入。燒過。人尿調服。

一落痂證歌

凡五方

痂皮應落偏遲落 但恐斯時選作惡 補脾實表有奇功 未可逡巡輕乘樂

收靨之後。痂殼自殘。若黏着皮肉不脫。乃表虛也。尤當禁忌。不可因循。恐生他變。宜調元固本湯治之。

收靨之時不落痂 皆皆喜睡莫咨嗟 只因脾胃多虛弱 調治專從戊己佳

此證乃脾胃虛而好睡也。胃屬戊土。脾屬己土。宜健脾開胃。調元清神湯醒之。

落痂之後察瘡癰 平正紅鮮日漸安 若是凸凹兼黑黯 好將敷藥補形完

其瘡落痂之後。癰痕平整紅活者吉。若癰肉凸起。或凹陷紫黑。吉凶未可知也。用滅痕散敷之。

瘡痂自落何勞急 擗損須防邪氣襲 他年終作血風癢 此際侵淫空涕泣

痂落依期不必憂 緣面頭足更遲留 陰陽孤獨如鰥寡 安待同時取次收

凡陽生者以陰成之。陰生者以陽成之。經因孤陽不生。孤陰不成。其瘡收靨。自人中平分上下。髮際以上

陽之陽也。足膝以下。陰之陰也。謂之孤陽。謂之孤陰。所以瘡之收靨。至此二處。每每遲留。不能便乾。不

可服藥。聽其自然則吉。

調元固本湯 治痘痂黏肉不脫 官揀參 炙黃耆 當歸身 淨蟬蛻 炙甘草 各等分 生薑大棗引水煎服

調元清神湯 治痘痂黏肉不脫而昏沉好睡 官揀參 炙黃耆 大當歸 杭麥冬 廣陳皮 炒棗仁 炒川連 炙甘草 各等分 大棗為引水煎服

減痕散 治痂落癰肉凸凹紫黑 密陀參一為細末以乳汁調搽瘡疤如無乳汁蜜調亦可若此藥搽上凸凹者自平紫黑者自退應効者吉不應効者凶

一痘後餘毒證治歌

凡四十六首

借問何為痘後癰 只因平塌少成膿 毒邪蘊結難消散 透節尋關出要衝

凡痘初出一點血由血而化至膿膿成而毒解矣若出形之後應起發不起發應成膿不成膿一片空殼狀如蛇皮或平塌破損無膿水本為死證緣其人脾胃素強又能飲食亦可以引目收蛟只是毒邪蘊蓄於裏必尋出路於關節之間而為癰腫但發一二處可治若流注於手足發之不止腫滯不愈久而死矣

痘癰先要明經絡 解毒調元更裡托 決膿去毒急施功 莫待殘形更為惡

凡癰之發先看何經絡分氣血多少而治之須看人之虛實以解毒托裏為先不可亂施敷藥以致毒不得出內炎筋骨而成懷證如腫而未成膿者用必勝膏貼之已成膿者鍼針決破其膿即以生肌散敷之若腫毒而元氣素弱者以十六味流氣飲通之若氣血虛而泄瀉者加附子以溫之若元氣素強者用連翹解毒湯主之如癰毒日久膿血去多者以十全大補湯扶元解毒

惡證無加痘後丹 皮膚蘊火毒相干 看他所發歸何部 心腎之經治亦難

亦火丹癰惡候也流移紅腫其痛手不可近痘瘡之後有發丹瘤者因蓄火太甚不能發洩鬱於肌肉之

間故發而為丹。從頭上起。過心即死。從足下起。過腎即死。內用玄參化毒湯解之。外用磁針砭法。

癰疹何為痘後呈。肌膚蘊毒未全清。若教發盡無停滯。免得重重怪證生。

癰者。皮膚間隱隱成疔瘡也。俗人謂之風丹。疹者。皮膚點點狀如蚊蚤咬迹也。痘後發癰疹。因毒大未發盡。藏於皮膚之間。或搔癢因抓而成。或因受風火相搏而成。皆吉兆也。

發太甚。內服防風敗毒散。外以益元散拭之。益元散方見前。

痘已收成。靨不乾。或時出血病難安。從前毒氣藏肌表。觸肉傷肌不忍看。

此與前頑瘡不收相同。凡覺痘瘡當靨不靨。即防此證。當內服大補湯。外以綿繭散敷之。綿繭散方見前。

翳膜何為。眼內攢。怪他熱毒壅於肝。還睛去翳多奇術。點洗徒招廢棄端。

小兒出痘之時。即用黃藥膏和胭脂塗眼。防斑瘡入眼也。但斑瘡入眼。本不在初。多在收靨之時。或滿而破爛。重復腫潰。膿血膠固。毒火鬱蒸在內。其斑瘡入眼。或瘡出已甚。成就遲緩。醫用辛熱之藥發之。亦令斑瘡入眼。又或收靨之時。喜啖辛熱。謂之乾漿。以致二火相煽。亦令斑瘡入眼。但在白睛上不必治。久而自去。惟在黑輪上者。或掩蔽瞳人。急用密蒙花散治之。

兩目今朝最畏明。肝虛邪火暗傷睛。涼肝養血功無比。解使雙眸炯炯清。

凡痘後雙目見明不開。暗則開者。謂之羞明。宜涼肝明目散治之。若向暗處亦不開者。却妨目中有瘡。當如上法治之。

收後如何便下紅。多因倒陷毒歸中。利宗膿血應須愈。強治翻為聚忍叢。

膿血茄皮一路來。任他自止莫疑猜。和中清熱施殘毒。却滋輕投病轉危。

痘後忽利膿血。待其自止。然後用和中清熱之劑。不可使用止瀉。但病勢甚者。宜黃連解毒湯清解之。膿血盡後。宜和中湯。

痘證從前無倒陷。緣何膿血利無時。大腸鬱火多潛毒。解毒通腸貴早施。

痘無倒陷之證却有膿血之痢。由於平日食煎炒素煎積熱。今因痘後氣血虛不能勝積故痢膿血也。此名滯下。必然腸鳴作痛。裏急後重。或因痘出之後飲食太多。水停作泄。熱毒乘虛入裏。便下膿血。此名腸垢。宜調胃承氣湯以徹其毒。次用黃芩湯調其陰陽。

最怕收成嘔噦頻。咽疼胃弱毒潛淫。錯喉噎水宜施治。乾噦無聲鬼作隣。

有聲有物謂之嘔。有物無聲謂之吐。有聲無物謂之噦。食穀即吐謂之錯喉。飲水而噴謂之噎水。今痘後凡有此等。由熱毒壅塞胃口。故令嘔吐。咽門溢塞。故令錯喉噎水也。惟乾嘔乃胃瘡腐爛不能納穀。故時時張口似吐不吐。乃不治之證。亦有咽喉作痛而嘔吐決聲者。乃咽喉腐爛亦不可治。惟但嘔吐。陳皮竹茹湯。咽喉痛甘桔湯。

身已清安熱不除。或因毒甚或元虛。調元解毒分投用。寒熱分明效自如。

痘已收靨則毒解而熱當除矣。如熱一向不已。非毒氣之未盡。即元氣之素虛。惟以脈辨之。如脈數形身煩燥而熱。此邪氣實也。宜知母解毒湯。如脈遲形怯熱而喜睡。此正氣虛也。宜黃芩調元湯。

收後渾身一向溫。乍然發熱細評論。內傷外感須分治。此個真機妙法門。

痘靨之後一向溫暖和平。並無餘熱。今忽發熱。不可以餘毒未解正氣之虛同論。必因外感風寒。其證頭目昏痛。惡寒脈浮。宜桂枝湯。或因內傷飲食。其證肚腹飽悶。不喜飲食。其脈滑弦。以補中益氣湯加消道藥而運用之。

食飲如常腹裏痛。蓋由脾弱化難能。看他虛實行消導。方顯明良三折肱。

收靨之後忽然腹疼。或瀉或泄。不思飲食。此傷食之症。虛則用上補中益氣湯治之。如無吐利腹痛氣急。宜丁香脾積丸下之。若腹滿而痛。煩悶不寧。此毒火入中。急用雄黃解毒丸利之。不然漸加喘急。手足厥冷。則難治矣。

收後緣何食不思。偶然傷食少人知。補脾消導為良法。強忍成疳悔是遲。

一向能食收後反不能食聞食氣即嘔逆此必食傷甚可以脾積丸治之。若見微則以保和丸調之。若隱忍不急求治久則消瘦漸成疳癆矣。

寒熱纏身若瘧侵。不分早晚應期臨。只緣脾實多虛弱。補氣升陽貴酌斟。

此因痘後氣血兩傷陰虛則內熱陽虛則外寒。乍寒乍熱儼然瘧疾。切不因以為妄治。但以補中益氣湯升舉之其病自愈。

收後渾身手足寒。好將氣血作虛看。六經脈細如將脫。急早回陽病自安。

凡痘收靨之後手足厥冷六脈沉細元氣大虛急用調元生脈散以溫之。稍用寒涼必取敗亡也。

強用精神睡思昏。終朝何事不惺惺。此因毒解神虛倦。氣血和平體自寧。

收靨而好睡乃毒解神虛此常事也。不得謂治痘等苟且之流欺人不知而取利庸下之徒妄用湯丸而治者戒之戒之。

睡思沉沉不識人。恍疑中酒妄言頻。只因熱伏心包絡。保護心君妙入神。

凡收後昏睡連日不醒口中妄語或有醒時亦不知人。每多錯語此熱邪攻心。心君不肯受邪傳解毒湯清之或用安神丸亦佳。

收靨之餘搖擲縈。因其大毒未全清。清心散大風因退。發作無休命必傾。

痘出發熱作搖此常候也。若收靨之後反發搖者乃瘡發未透毒火內侵故也。然此喉發於收盤之熱氣血已衰治之甚難宜清神散火湯如藥對病者可治。若連發不已死證也。

身已康寧手足攣。分明血少致斯愆。補脾養血誠仙訣。不遇知音莫浪傳。

凡痘後手足忽攣攣拘不能屈伸轉運乃血少不能養筋又或外被風寒水濕以致然耳。不可用發散併疎風之藥以耗其血只宜當歸桂枝湯補脾養血則手足自和。

痘後還愁咳嗽多。總由毒火肺中磨。清金降火兼調氣。肩息胸高若命何。